

2. 1860—1870-ԱՎԱՆ ԹՎԱԿԱՆՆԵՐԻ ԲՈՒՐժՈՒԱԿԱՆ ԲԱՐԵՆՈՐԳՈՒՄՆԵՐԸ:
ԳՅՈՒՂԱՑԻԱԿԱՆ ՌԵՖՈՐՄԸ ԱՆԴՐԱՌՎԱՍՈՒՄ ԵՎ
ԱՐԵՎԵԼՅԱՆ ՀԱՅԱՍՏԱՆՈՒՄ

XIX դարի երկրորդ կեսից ցարական կառավարությունը երկրում անցկացրեց մի շարք բարենորոգումներ, որոնք ընդառաջում էին բարձրացող բուրժուազիայի պահանջներին: 1861 թ. փետրվարի 19-ի կանոնադրությամբ վերացվեց ճորտատիրական իրավունքը: Այդ տարեթիվը դարձավ Ռուսաստանի պատմության մեջ իբրև նոր՝ կապիտալիստական դարաշրջանի սկիզբ: Վ. Ի. Լենինը գրում է. «1861 թվականի փետրվարի 19-ը նշանավորում է ճորտատիրական զարաշրջանից բարձրացող նոր, բուրժուական Ռուսաստանի սկիզբը»³³:

1864 թ. հունվարի 1-ի օրենքով ստեղծվեցին զեմստովոներ՝ բոլոր գասերի ներկայացուցիչներից ընտրված տեղական կառավարման նոր օժանդակ օրգաններ և վերացվեցին նախառեֆորմյան շրջանում գործող դասային-կալվածատիրական բյուրոկրատական կառավարման ձևերը: Զեմստովոները զբաղվելու էին տեղական խնդիրներով՝ նահանգի ու գավառի ճանապարհների, զբոսարկոցների, հիվանդանոցների բարենորոգումներով, արդյունաբերության ու առևտրի զարգացումով, ագրոկուլտուրաների տարածումով և այլ հարցերով: Հին սիստեմի համեմատությամբ զեմստովոյի ստեղծումն առաջընթաց բալլ էր: Սակայն ընտրությունների հիմքում զենլով գույքային ցենզը, ցարիզմը զեմստովային հիմնարկներում ապահովեց կալվածատերերի ներկայացուցիչների գերակշռությունը: Օգտվելով դրանից, զեմստովոների իրավասության տակ գտնվող տնտեսական միջոցների մեծ մասը զավթում էին ազնվականները, իսկ պետական հարկերի ու պարահանքի հիմնական ծանրությունը դրվում էր աշխատավոր գյուղացիության վրա: Զեմստովոները վարչական իշխանություն չունեին և կարող էին կենսագործնալ իրենց որոշումները միայն տեղական իշխանությունների միջոցով: Փաստորեն նրանք ինքնակալության պետական ապարատի կցորդն էին: Հետագայում (հատկապես 1889—1890 թթ.) ցարիզմն ավելի ուժեղացրեց նահանգապետների ու գավառապետների իշխանությունը զեմստովոների վրա, ավելի սահմանափակեց նրանց իրավունքները և, թեպետ ռզվերացրեց, այլ դիմազրկեց ու զուլազրկեց զեմստովոն³⁴: Զեմստովոներում ղեկավար դերը հատկացվում էր ռուս ազնվականությանը, իսկ երկրի այն մասերում, ուր բնդհանրապես ազնվականություն չկար (Սիբիր) կամ եղածը ռուսական չէր (կենտրոնական, Բելոռուսիա, Միջին Ասիա, Անդրկովկաս), զեմստովո չստեղծվեց: Հայ լիբերալ շրջանները և հատկապես վրաց ազնվականությունը թեպետև տառնալիկ տարիներ շարունակ պայքարում էին, որպեսզի զեմստովոներ ստեղծվեն նաև Անդրկովկասում, սակայն ցարական կառավարությունը տարբեր պատճառաբանությւոններով հետաձգելով հարցը, այնպես էլ չլուծեց այն: Ցարական պաշտոնյաները հաճախ բացեիբաց հայտարարում էին, որ երկրամասի ժողովուրդները դեռ չեն հասունացել ինքնակառավարման համար:

1870 թ. հունիսի 16-ին ցարական կառավարությունը հրատարակեց քաղաքային կանոնադրություն: Այդ օրենքով ստեղծվեցին քաղաքների կառա-

33 Վ. Ի. Լենին, *ՆԺՄ*, հ. 20, էջ 213:

34 Վ. Ի. Լենին, *ՆԺՄ*, հ. 5, էջ 59:

վարման ոչ դասային մարմիններ, որոնք ընտրվում էին ըստ գույքային ցնն-
զի՝ շուրս տարին մեկ: Կարգադրիչ մարմինը քաղաքային դուման էր, իսկ
գործադիրը՝ քաղաքային վարչությունը: Երկուսն էլ գործում էին քաղաքագլխի
ղեկավարությամբ: Քաղաքային դումայի պատգամավորներին կարող էին ընտ-
րել միայն քաղաքային հարկ վճարող բնակիչները, այսինքն՝ տնատերերը և
առևտրաարդյունաբերական ձեռնարկությունների տերերը: Ընտրական իրա-
վունքից զրկված էին բանվորները, արհեստավորների զգալի մասը, մտավորա-
կանության որոշ խավերը: Գավառական զեմստվային վարչության նախագահը
և քաղաքագլուխը հաստատվում էին նահանգապետի, իսկ նահանգական զե-
մստվային վարչության նախագահն ու քաղաքագլուխը՝ ներքին գործերի մի-
նիստրի կողմից: Քաղաքային ինքնավար մարմիններն զբաղվում էին քաղաքի
բարեկարգման, անտեսության, առևտրի և կուլտուր-լուսավորական հարցե-
րով: Չնայած սահմանափակության, քաղաքային ռեֆորմի անցկացումը մի
քայլ էր ղեպի առաջ: Այն ստեղծում էր բարենպաստ պայմաններ քաղաքային
կյանքի, բուրժուական հարաբերությունների զարգացման համար: Քաղաքային
ռեֆորմը 70-ական թվականների ընթացքում կիրառվեց կայսրության մի շարք
մասերում, բացառությամբ (և հաստատի, Ֆինլանդիայի ու Միջին Ասիայի (այն-
կենսագործվեց միայն Տաշքենդում), իսկ Անդրկովկասում կիրառվեց մի քանի
խոշոր քաղաքներում³⁵, այդ թվում Երևանում: Այստեղ քաղաքային նորաստեղծ
մարմիններն սկսեցին գործել 1879 թ. հոկտեմբերի 1-ից: Ավելի քան 20.000
բնակչություն ունեցող Երևանում ընտրություններին մասնակցեց մի քանի
հարյուր մարդ: Պատգամավորների ճնշող մեծամասնությունն ունեւոր խավից
էր: Այսպես, 1894 թ. Երևանյան դումայի 24 անդամներից 10-ը աղվական
էին, 8-ը՝ վաճառական, 2-ը՝ ավագ սպայության ներկայացուցիչ և միայն 4-ը՝
շաքարային բնակիչ³⁶: XIX դարի վերջին, ցարիզմի վարած հետադիմական քա-
ղաքականության հետևանքով, ինչպես զեմստվոների, այնպես էլ քաղաքային
ինքնավար մարմինների իրավունքներն ավելի սահմանափակվեցին: 1892 թ.
քաղաքային նոր կանոնադրությունը փաստորեն ընտրելու և ընտրվելու իրա-
վունք էր տալիս միայն առավել ունեւոր խավերին:

1864 թ. նոյեմբերի 20-ի օրենքով անցկացվեցին դատական ռեֆորմներ:
Հին դասային դատարանը փոխարինվեց ընդհանուր դատարանով: Ստեղծվեցին
հաշտարար, օկրուգային դատարաններ և դատաստանական պալատ: Առաջինը
չնեւում ու լուծում էր տեղական մանր, երկրորդը՝ նահանգային, իսկ երրորդը՝
մի քանի նահանգների գործերը: Ստեղծվեցին նաև դատաբնիչների և ատե-
նակալների պալատներ: Դատարանից զոգո՛հ քաղաքացիները կարող էին բո-
ղոքել սենատին, որի վճիռը վերջնական էր: Դատարանը վարչական իշխանու-
թյուններից անկախ էր համարվում, իսկ դատավորները հեռացվում էին պաշ-
տոնից միայն հանցագործություն թույլ տալու դեպքում: Եթե ռեֆորմից առաջ
դատավարությունն ընթանում էր փակ, երկու կողմերի կամ նրանցից մեկի
բացակայությամբ, ապա այժմ այն տեղի էր ունենում ղոնքաց, երկու կողմերի
ներկայությամբ: Դատական ռեֆորմում բուրժուական սկզբունքներն ավելի
ցայտուն արտահայտվեցին, սակայն դատավորների անկախությունը շատ
պայմանական էր: Հաշտարար դատավորներն ընտրվում էին զեմստվային
ժողովներում ու քաղաքային դումաներում՝ այն թեկնածուներից, որոնց ցու-

35. *ՏՄՍ «История СССР», т. V, М., 1968, стр. 112—113.*

36. *ՏՄՍ Թ. Խ. Հակոբյան, Երևանի պատմությունը (1879—1917), Երևան, 1963, էջ 23—24.*

ցակը նախապես արժանացել էր նահանգապետի հավանությունը և վերջնականապես հաստատվել սննատի կողմից: Գյուղացիների, հոգեորականների ու զինվորականների համար պահպանվեցին առանձին դատարաններ: Անդրկովկասում դատական ռեֆորմները կիրառվեցին ուշացումով՝ 1868—1871 թթ.: Ի տարբերություն եվրոպական Ռուսաստանի, Անդրկովկասում, այդ թվում Արևելյան Հայաստանում, դատական բոլոր գործերը քննվում ու վճռվում էին օկրուգային դատարաններում՝ առանց երդվյալ ատենակալների, Ռուսական նահանգներում հաշտարար դատավոր ընտրվում էր, իսկ այստեղ՝ նշանակվում:

1874 թ. հունվարի 1-ին հրատարակվեց նաև զինապարտության կանոնադրությունը, համաձայն որի քսան տարին լրացրած բոլոր տղամարդիկ, անկախ դասային պատկանելությունից, պարտավոր էին ծառայել բանակում: Շատ այլազգիներ (Միջին Ասիայի, Դաղստանի, Մայրաքույն Հյուսիսի և մի շարք այլ երկրամասերի բնիկներ), որոնք կազմում էին երկրի բնակչության մի զգալի մասը, չէին զորակոչվում բանակ, բանի որ համարվում էին «անբարեհույսներ»:

Անդրկովկասի բնակչությունը ռազմական իշխանությունների նախաձեռնությամբ ու խրախուսանքով երկրամասի Ռուսաստանին միացման առաջին իսկ օրից ակտիվորեն մասնակցում էր ռուսական բանակի մարտական գործողություններին՝ ընդգնմ Իրանի ու Թուրքիայի: Այն հավաքագրվում էր այսպես կոչված միլիցիայում, որն ըստ էության, ոչնչով չէր տարբերվում աշխարհազորից: Բայց դա համընդհանուր ռազմական պարհակի կատարում չէր: Այդ պարհակի կատարման կանոնադրությունը սկսվեց քննվել Թիֆլիսի զինվորական շրջաններում 1871 թ. և հարց հարուցվեց կառավարության առաջ, որ այն տարածվի նաև Անդրկովկասի վրա: Սակայն դա տեղի չունեցավ անգամ 1874 թ. հունվարի 1-ի զինապարտության կանոնադրության հրատարակումից անմիջապես հետո, բանի որ, նախ՝ խանգարեց 1877—1878 թթ. ռուս-թուրքական պատերազմը և ապա ցարական պաշտոնական շրջանները համընդհանուր զինվորական պարհակի տարածումը Անդրկովկասի վրա անժամանակ էին համարում: Տեական քննարկումներից հետո, վերջապես, 1886 թ. մայիսի 28-ին, որոշվեց 1874 թ. հունվարի 1-ի զինապարտության կանոնադրությունը տարածել նաև Անդրկովկասի վրա: Առաջարկվեց քրիստոնյաներին՝ հայերին ու վրացիներին զորակոչել բանակ, իսկ մահմեդականներին՝ իրեն անբարեհույսների դրա փոխարեն գանձել զինվորական հարկ տարեկան 534.400 ռուբլի³⁷:

Վաթսուական թվականներին Ռուսաստանում իրականացվեցին նաև ֆինանսական ռեֆորմներ, որոնց նպատակն էր մեծացնել պետական եկամուտները և նպաստել արդյունաբերության ու առևտրի զարգացմանը: Այդ ռեֆորմներով կառավարական եկամուտների հիմնական մասը ուղղակի և անուղղակի հարկերի ձևով հավաքվում էր գյուղացիներից:

1864 թ. հուլիսի 14-ի «կանոնադրությամբ» բարենորոգումներ մտցվեցին լուսավորության ասպարեզում: Ժողովրդական նախակրթական ուսումնարաններ կարող էին բացվել ինչպես հասարակական հաստատությունների, այնպես էլ առանձին անհատների կողմից: Սակայն ուսուցման ղեկավարությունը

³⁷ Տե՛ս III. В. Меерелидзе, Вопросы Закавказья в истории русско-турецкой войны 1877—1878 гг., Тифлис, 1969, стр. 78.

մնում էր պետական մարմինների իրավասության տակ: Գիմնազիաները բաժանվեցին ռեալական և գասական կարգերի: Առաջինները պետք է կադրեր պատրաստեին հիմնականում ժողովրդական տնտեսության, իսկ երկրորդները՝ պետական հիմնարկների համար: Ռեալական գիմնազիաներում ընդունվում էին տղերարար բուրժուաների, իսկ գասական գիմնազիաներում՝ ազնվականների երեխաները: 60—70-ական թվականներին որոշ փոփոխություններ մտցվեցին բարձրագույն կրթության ընագավառում, որոնց հետևանքով երկրում աճեցին համալսարաններն ու տեխնիկական բուհերը: 1863 թ. հունիսի 18-ի կանոնադրությամբ վերականգնվեց Նիկոլայ I-ի ժամանակ վերացված համալսարանների ինքնավարությունը, որը հնարավորություն տվեց պրոֆեսորական խորհուրդներին ընտրելու ունկտողներ, ղեկաններ, ինչպես նաև նոր պրոֆեսորա-գասախոսական կազմ: Ասկայն ուսանողներին արգելվեց ստեղծել կազմակերպություններ: 1865 թ. օրենքով բարեփոխություններ մտցվեցին զրաբնություն մեջ և որոշ շափով հեշտացվեց զրբերի, ամսագրերի ու թերթերի հրատարակումը, բարձրացվեց հեղինակների ու խմբագիրների պատասխանատվությունը օրենքի առջև, կայսրության ծայրամասերում պահպանվեց նախնական զրաբնությունը:

• • •

XIX դարի 60—70-ական թվականներին ցարական կառավարությունը կայսրության ծայրամասերում անցկացրեց նաև գյուղացիական բարեփոխումներ: Հայտնի է, որ 1861 թ. գյուղացիական ռեֆորմը վերաբերում էր Ռուսաստանի կենտրոնական և Ուկրաինական նահանգներին, իսկ 1863 թ. ռեֆորմների կանոնադրություններ հրապարակվեցին Լիտվայի, Բելոռուսիայի և Ալբանյան Ուկրաինայի համար: Անհրաժեշտություն զարձակ նաև Անդրկովկասում գյուղացիական ռեֆորմ անցկացնելու հարցը: 1861 թ. մարտին Կովկասի փոխարքա Ա. Ի. Բաբյատինսկուն արքունիքից տեղեկացնում է, որ կայսրն անհրաժեշտ է գտնում գյուղացիական ռեֆորմն իրագործել նաև Անդրկովկասում: Սկսվում է Վրաստանի գյուղացիական ռեֆորմի նախապատրաստումը նախ Թիֆլիսի, ապա Քութայիսի նահանգներում, ավելի ուշ Վրաստանի մյուս մասերում, իսկ 1866 թ.՝ Ադրբեջանում ու Արևելյան Հայաստանում՝ Նիսպակետպոլի, Բարվի ու Երևանի նահանգներում:

Անդրկովկասում ռեֆորմի նախագծի պատրաստման նպատակով ստեղծվեց Անդրկովկասյան Կենտրոնական կոմիտե, որի մեջ մտան վրաց ազնվականության ներկայացուցիչները. ազնվականությունից էին ընտրված նաև գավառական կոմիտեները: Ցարական իշխանությունները ձգտում էին ամեն կերպ պաշտպանել տեղի ազնվականության շահերը: Արևելյան Հայաստանում և Ադրբեջանում գյուղացիական ռեֆորմը անցկացվեց 1870 թ. մայիսի 14-ի օրենքով: Հայտնի է, որ 1846 թ. հրովարտակի հիման վրա հրատարակված 1847 թ. կանոնադրությունը վերաբերում էր գլխավորապես Ադրբեջանի կալվածատիրությանը: Երևանի նահանգի համար կազմված 1851 թ. հունիսի 8-ի նույնանման կանոնադրությունը չիրագործվեց: Իհարկե, այդ կիսանորտափրական կանոնադրության անկատար մեղաը Հայաստանի կալվածատիրական շերտերին զրկեց մի շարք արտոնություններից, որոնց արժանացել էին Ադրբեջանի հողատերերի զանազան խմբերը: Այդ պատճառով 1860-ական թվականներին սկզբին փոխարքային ուղղած գրության մեջ Հայաստանի կալվածատերերը

զանգատվում էին իրենց իրավունքների անորոշությունից և անկայունությունից, նշելով, որ «երկրի ամեն մի տեղական կառավարիչ կամ շինովնիկ» այդ իրավունքները սահմանում էր իր տեսակետով՝ «Հիմք չունենալով ոչ մի փաստ»³⁸:

Արևելյան Հայաստանի՝ իրենց «տոհմիկ» համարող կալվածատերերի այդ բողոքը շանտաժեց Անդրկովկասի իշխանությունների կողմից և 1870 թ. ռեֆորմն իրագործելուց առաջ փոխարքայի առաջարկով Երևանի, ինչպես նաև Բաքվի ու Նիխավնուպոլի նահանգներում ստեղծվեցին՝ բեգական հանձնաժողովներ, որոնք պետք է պարզեին «բարձր դասին» պատկանող հողատերերի իրավունքները: Հենց այդ էլ գյուղացիական ռեֆորմի նախապատրաստության միջոցառումներից մեկն էր:

Երևանի նահանգի հանձնաժողովն իր աշխատանքներն սկսեց 1866 թ. մայիսին և ավարտեց մեկ տարի հետո: Նրա կողմից «բարձր դասին» պատկանող ճանաչվեց 282 տոհմ, իսկ 304 տոհմի այդ իրավունքը մերժվեց: Թե ինչ ապօրինություններ տեղի ունեցան Երևանի բեգական հանձնաժողովում, «բեգական դասին» պատկանող որքան նոր տոհմեր երևան եկան, կարելի է եզրակացնել այն բողոքներից, որ հանձնաժողովի որոշումների դեմ բարձրացրեց նահանգի գյուղացիությունը:

Արևելյան Հայաստանի և Ադրբեջանի գյուղացիական ռեֆորմի նախապատրաստման մյուս քայլն այն էր, որ փոխարքան հանձնարարեց գյուղացիական գործերի Անդրկովկասի կենտրոնական կոմիտեին՝ 1847 թ. դեկտեմբերի 26-ի, այսպես եղված, Աղաթառական կանոնադրությունը վերանայել Թիֆլիսի և Քութայիսի նահանգների կանոնադրությունների ոգով: Կոմիտեն հանգեց այն եզրակացության, որ աղաթառները, իրենց՝ զորքն օգտագործելով, «հաճախ կամայականորեն էին տնօրինում գյուղացիական հողը, իսկ պարհակները երբեմն պահանջում էին մեծացրած չափերով»: Կոմիտեն ծանոթացավ 1846 թ. հրովարտային, 1847 թ. ապրիլի 20-ի, 1851 թ. հունիսի 8-ի կանոնադրություններին և մշակեց 1861 թ. ռեֆորմի պահանջներից ելնող նոր կանոնադրություն:

Արևելյան Հայաստանի և Ադրբեջանի կալվածատիրական գյուղացիության «ազատագրության» մասին գյուղացիական օրենքը սահմանված էր 1846, 1847, 1851 թվականների ցարական օրենսդրական ակտերի հիման վրա: Սակայն այն չէր տարածվում «բարձր դասին» չպատկանող հողատերերի կալվածքներում ապրող գյուղացիության (իսկ այդպիսի հողատերերը Երևանի նահանգում կազմում էին կալվածատերերի 20%-ը), ինչպես և «բարձր դասին» պատկանող կալվածատերերի այն գյուղացիների վրա, որոնք կամավոր համաձայնությամբ ապրում էին նրանց կալվածքում:

1870 թ. մայիսի 14-ի կանոնադրությունը³⁹ Արևելյան Հայաստանում հողի սեփականատիր ճանաչեց կալվածատերերին, իսկ գյուղացիներին իրավունք

³⁸ См. В. Рштуки, Крестьянская реформа в Армении в 1870 г., Ереван, 1947, стр. 222.

³⁹ Այս կանոնադրության տեքստը տե՛ս «Свод законов Российской империи», СПб., 1899, т. IX, стр. 423—433; «Положение о поземельном устройстве государственных поселян, водворенных на землях лиц высшего мусульманского сословия, а равно мелников из армян в губерниях закавказских: Елисаветпольской, Бакинской, Эриванской и части Тифлисской».

առկեց միայն օգտվելու դրանից: Կանոնադրությունը գյուղացիների հողաբաժնի նորման սահմանեց 15 տարեկանից բարձր արական ամեն մի շնչին 5 դեսյատին, թողնելով նրանց տրամադրության տակ այն բոլոր հողամասերը (վարեյահողերը, խոտհարքները, խաղողի և պտղատու այգիները, բանջարանոցները, տնատեղերը և այլն), որոնք կային մինչև 1870 թ.: Բայց դրա հետ մեկտեղ հողատերերին իրավունք վերապահվեց իրենց ձեռքում պահելու կալվածատիրական բոլոր հողերի $\frac{1}{3}$ -ը:

Նոր կանոնադրությունը թույլատրում էր գյուղացիներին փրկագնելու իրենց հողաբաժինը՝ 7 դեսյատինից ոչ պակաս և 15 դեսյատինից ոչ ավելի: Հողաբաժինները փրկագնելիս, գյուղացիները պետք է վճարեին ոչ թե հողի շուկայական գինը (ինչպես դա կատարվում էր ազատ առք ու վաճառքի ժա-



Ալեքանդրապոլի տեսարանը XIX դարի վերջին

մանակ), այլ այն գումարը, որը կազմում էր կալվածատիրոջ տարեկան հատույթը 16 $\frac{2}{3}$ -ով բազմապատկելիս, այսինքն՝ փրկագինը հավասարեցվում էր այն կապիտալին, որը դրվում էր բանկ 6 %-ով և յուրաքանչյուր տարի կալվածատիրոջը կրեբեր գյուղացիներից նրա հավաքած հարկաչափին հավասար եկամուտ: Հաշվումները ցույց են տալիս, որ գյուղացիներն իրենց հողաբաժինները փրկագնելիս պետք է վճարեին նրանց արժեքից երեք-չորս անգամ ավելի: Քանի դեռ գյուղացիները չէին փրկագնել իրենց հողաբաժինները, շարունակելու էին կատարել կալվածատիրական պարտավորությունները՝ վճարել բերրի 4/30-ը և դրամական տուրքը (բանջարանոցներից և բոստաններից 80 կոպեկ, իսկ այգիներից 1 ու 20 կ.՝ յուրաքանչյուր 360 քառ. սաժեն տարածությամբ համար): Դրամական տուրքի վերաժվեց նաև կալվածատիրոջը գործազուր տալու պարհակը: Բեզական ու մուլքադարական գյուղացիներն իրենց հողաբաժնի ամեն մի դեսյատինի համար պետք է կալվածատիրոջը վճարեին 30 կոպեկ:

Կանոնադրությամբ ամեն մի ծխի համար սահմանվում էր տուրքի վճարման անհատական կարգ: Իսկ հաշտարար միջնորդներին իրավունք էր տրվում տուրք չվճարողների կամ խուսափողների նկատմամբ հարկադրանք դրածադրել:

Ի տարբերություն նվիրույական Ռուսաստանի, որտեղ կալվածատերերի և գյուղացիների հողային փոխհարաբերությունների կանոնադրերը կազմում էին կալվածատերերը, Արևելյան Հայաստանում այն հանձնարարվեց հաշտարար միջնորդներին՝ իշխանության նորահաստատ աստիճանավորներին: Սրանք նահանգում ստեղծված գյուղացիական գործերի առյուծախի ղեկավարությամբ, որի գլուխ էր կանգնած նահանգապետը, զբաղվելու էին կալվածատերերի և գյուղացիների միջև ծագած վեճերի լուծումով:

Կանոնադրերը կազմելիս շատ կեղծիքներ կատարվեցին ի վնաս գյուղացիներին: «Կանոնադրերը ոչ մի էական հարցում չապահովեցին գյուղացիներին շահերը, — գրում է Մ. Ն. Կուչանը, — իսկ հողատերերին միայն զենք ծառայեցին... պետական հողերը հափշտակելու համար»⁴⁰:

1870 թ. մայիսի 14-ի կանոնադրությունը գյուղացիներին իրավունք էր վերապահում իրենց հողաբաժինները հողեղել կամ ամբողջ համայնքով կամ անհատապես՝ ընտանիքներով: Թվում էր, որ գյուղացիներին հողաբաժնի հազնման գործում նույնիսկ արտոնություն էր տրվում, քանի որ նրանք կարող էին այն պահանջել նաև առանց կալվածատիրոջ համաձայնության: Բայց այդ արտոնությունն առերևույթ էր, քանի որ պետությունը հողաբաժնի հազնման ղեկավարում գյուղացիներին ոչ մի վարկ կամ նյութական աջակցություն չէր տալիս: Այդ հարցում Արևելյան Հայաստանի ինչպես և Ադրբեջանի⁴¹ գյուղացիները դառնում էին ամենածանր վիճակում և այդ պատճառով էլ մինչև 1912 թ., այսինքն 40 տարվա ընթացքում, հողի հազնման մի քանի ղեկավարներ են միայն հայտնի: Կալվածատիրական գյուղացիները փաստորեն մնացել էին ժամանակավոր կախյալ վիճակում: 1872-ից սկսած Անդրկովկասի իշխանությունները կանոններ մշակեցին հողեղման անցնելու համար: Սակայն կալվածատերերին ընդառաջելու և բյուրոկրատական քաշքշուկի հետևանքով հարցը լուծում չստացավ:

1875 թ. մայիսի 14-ին կանոններ հրատարակվեցին թիուղարների մասին: Այդ կանոններով նրանք, էջմիածնի, Նոր Բայազետի և Նախիջևանի գավառների թիուղարներին գյուղացիական ամեն մի ծխից տրվող բնատուրքը (բերքի 3/30 չափով և 2 ու 50 կույնկ զրամական տուրքը) վերացվում էր: Թիուղարությունը ճանաչվում էր ցմահ իրավունք և թիուղարներին նշանակվում էր կենսաթոշակ՝ իրենց նախկին նկամությունների չափով: Այդ նոր կարգն ուժի մեջ էր մտնելու այն ժամանակ, երբ Կովկասի փոխարքան կլուծեր թիուղարների թոշակի հարցը, որն իր լուծումը չստացավ մինչև 1912 թվականը:

1877 թ. սեպտեմբերի 5-ին ցարական կառավարությունը կանոններ հրատարակեց նաև «բարձր դասին» չպատկանող հողատերերի և նրանց հողերի վրա ապրող գյուղացիների մասին: Թեև այդ կալվածատերերի հողային իրավունքները հիմնականում պահպանվեցին, բայց նրանց գյուղացիական տրնտեսությունների զարգացման համար իրավապես ավելի նպաստավոր պայ-

⁴⁰ «Свод материалов...», т. I, ч. II, стр. 68—69.

⁴¹ Գյուղացիական ռեֆորմի մասին Ադրբեջանում մանրամասն տե՛ս Մ. Ս. Агахан, Крестьянская реформа в Азербайджане в 1870 г., Баку, 1956.

մաններ ստեղծվեցին, քանի որ գյուղացիների ամբողջ հողաբաժինն ամրացվում էր նրանց, իսկ տնատնդերը և մյուս հողատիրոջնոր տրվում էին իբրև սեփականություն: Հողատերերը բահրա գանձելու իրավունք ունեին միայն ցանրերից: Նրանք չէին կարող զրամական պարհակներ գանձել գյուղացիներից և իրենց պահել կալվածաճողերի 1/3-ը կամ 30 դեպատին, ի՞նչ գյուղացիների արական շնչի ամեն մի հոգուն 5 դեպատին հող չէր տրված: Յուրաքանչյուր ծխի թուլատրվում էր նաև ետգնման դեպքում 15 դեպատից ավելի հող ձեռք բերել: Մնացած բոլոր կետերում պետք է կիրառվեին 1870 թ. մայիսի 14-ի կանոնադրության դրույթները⁴²:

1870 թ. գյուղացիական ռեֆորմը պահպանեց Հայաստանում գոյություն ունեցող ֆեոդալական հարաբերությունները: Այն նպաստեց, մի կողմից, կալվածատիրական հողատիրության ընդարձակմանը, իսկ մյուս կողմից՝ գյուղացիության սակավահողության ու հողազրկության ուժեղացմանը: Ռեֆորմն ըստ էության պահպանեց գյուղացիների կալվածատիրական պարտավորությունները և դրանց գանձման ու կատարման համար գործադրվող արտատնտեսական հարկադրանքի գրեթե բոլոր ձևերը:

Ի տարբերություն Եվրոպական Ռուսաստանի, որտեղ 1861 թ. փետրվարի 19-ի կանոնադրությունը 1866 թ. տարածվեց նաև պետական գյուղացիների վրա, Արևելյան Հայաստանում 1870 թ. մայիսի 14-ի կանոնադրությունը տարածվեց միայն կալվածատիրական գյուղացիների վրա, որոնք կազմում էին ամբողջ գյուղացիության շուրջ 1/4-ը: Եվրոպական Ռուսաստանում կառավարությունը գյուղացիների հողաբաժինների փրկագնման համար տրամադրեց զգալի միջոցներ, մինչդեռ Արևելյան Հայաստանում ոչինչ չհատկացրեց: Այդ պատճառով Ռուսաստանում գյուղացիական տնտեսություններն ինքնուրույն զարգացման ավելի լայն հնարավորություններ ստացան, քան Հայաստանում: Եթե Կենտրոնական Ռուսաստանում գյուղացիական ռեֆորմը վերացրեց կալվածատիրական գյուղացիների բնավճարները, ապա Անդրկովկասում և Արևելյան Հայաստանում դրանք պահպանվեցին:

Այս ամենից հետևում է, որ գյուղացիական ռեֆորմն Արևելյան Հայաստանում այնպիսի խոշոր նշանակություն չունեցավ կապիտալիստական հարաբերությունների զարգացման համար, ինչպես Եվրոպական Ռուսաստանում: «Ընդհանրապես 60-ական թվականների ամբողջ ռեֆորմների դարաշրջանը», — գրել է Վ. Ի. Լենինը, — գյուղացուն թողեց ազատ, ընկճված, խալվար, կալվածատեր-ձորատներերին ենթարկված և՛ դատարանում, և՛ կատավաճման մարմիններում և՛ դպրոցում, և՛ զեմստովոյում»⁴³: 60—70-ական թվականների բարենորոգումները նման հետքեր թողեցին նաև Անդրկովկասում ու Արևելյան Հայաստանում. այն տարբերությամբ սակայն, որ այստեղ աշխատավորները մնացին առավել ընկճված և ավելի շատ ենթակա ինքնակալական-բյուրոկրատական ապարատին, քան Եվրոպական Ռուսաստանում:

Այնուամենայնիվ, բուրժուական ռեֆորմները Անդրկովկասում ու Արևելյան Հայաստանում ստեղծեցին որոշակի պայմաններ կապիտալիզմի զարգացման համար: 1870 թ. գյուղացիական ռեֆորմը երկրի մի շարք շրջաններում

⁴² Գյուղացիական ռեֆորմի մասին Արևելյան Հայաստանում մանրամասն տե՛ս Վ. Զ. Որդաունի, Ուրվագծեր Հայաստանի գյուղատնտեսության պատմության, հ. Բ, Երևան, 1983:

⁴³ Վ. Ի. Լենին, Ե(Ժ. հ. 20, էջ 212:

վերացրեց գյուղացիական հողերի օգտագործման համայնական եղանակը և այն փոխարինեց ծխային եղանակով, ամրացրեց յուրաքանչյուր անտեսության հողաբաժինը և վերացրեց հողի սպարերաբար կրկնվող վերաբաժանումները, իրավունք տվեց գյուղացիներին վաճառելու, նվիրելու կամ գրավ դնելու իրենց հողակտորները համայնքի ներսում, իսկ այգիները, բանջարանոցները և տնատեղերը՝ նույնիսկ համայնքից դուրս։ Լենֆորմը կալվածատիրական որոշ բնա-



Քչնի գյուղի ընդհանուր տեսարանը

տուրքեր վերածեց դրամականի և աշղպիսով նպաստեց ապրանքակապիտալիստական հարաբերությունների դարգացմանը։ 1870 թ. մայիսի 14-ի կանոնադրություներ գյուղացիներին տվեց նաև քաղաքացիական որոշ իրավունքներ։ Կանոնագրերը կնքելիս նրանք կարող էին հանդես գալ իրենց անունից, հաշտարար դատավորը չէր կարող դրանք կնքել առանց նրանց համաձայնությունից կամ ներկայության և այլն։

3. ՀՈՂԱՅԻՆ ՀԱՐԱՐԵՐՈՒԹՅՈՒՆՆԵՐԸ։ ՀԱՐԿԵՐՆ ՈՒ ՊԱՐՀԱԿԵՐԸ

Հողային ճարաբերություններ։ XIX դարի վերջին Արևելյան Հայաստանում շարունակեցին զոյառել նախկին պետական, կալվածատիրական կամ մասնատիրական և վանական-էկեղացական հողատիրության ձևերը, Գրանցից ամենաընդարձակը պետական հողատիրությունն էր։ Արևելյան Հայաստանի ամբողջ տարածքը կազմում էր 6838835 դես. (1 դես.=1,092 հեկ.), որից 80-ական թվականներին սեփականության իրավունքով պետությանը պատկանում էր 6249401 (91,4%), կալվածատերերին՝ 441328 (5,5%), վանքերին